



Fréttabréf Naustaskóla

7. tölublað, 5. árgangur, 18. ágúst 2012

Ábyrgðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

Lykilorð í mentor

Vanti foreldra ný lykilorð í mentor er hægt að fá þau send beint af vefsíðu mentor.is með því að slá inn kennitölu viðkomandi. Einnig er hægt að snúa sér til ritara skólans.

Fjöldi nemenda:

Innritaðir nemendur skiptast þannig á árganga:

1. bekkur: 46 nem.
2. bekkur: 36 nem.
3. bekkur: 28 nem.
4. bekkur: 37 nem.
5. bekkur: 31 nem.
6. bekkur: 31 nem.
7. bekkur: 30 nem.
8. bekkur: 19 nem.
9. bekkur: 24 nem.
10. bekkur: 15 nem.

Alls 297 nemendur

Kæra skólasamfélag

Fjórða starfsár Naustaskóla hefst með skólasetningu miðvikudaginn 22. ágúst. Þá koma nemendur 1. bekkjar ásamt foreldrum til viðtals við umsjónarkennara en aðrir nemendur hitta kennara sína stutta stund og fá afhentar stundaskrár og aðrar upplýsingar sem varða skólastarfið. Kennsla hefst svo skv. stundaskrá fimmtudaginn 23. ágúst. Upphaf skólaársins einkennist af miklum breytingum þar sem húsnæði skólans stækkar nú um tæplega 70% að flatarmáli og nemendafjöldinn eykst um 20%. Að auki bætist við önnur deild frá leikskólanum Naustatjörn í húsið, eldhús stofnananna færast yfir í húsnæði Naustaskóla og fjölmargir nýir starfsmenn koma til starfa. Allt saman er þetta jákvætt og færir okkur betri aðstæður og fjölmörg tækifæri til að gera skólann okkar enn betri. Þegar nemendur mæta til starfa hafa kennarar skólans verið að störfum í tvær vikur við undirbúning, og ýmsir aðrir starfsmenn skólans unnið að standsetningu húsnæðis og búnaðar síðustu vikur. Verktakar hafa unnið hörðum höndum við framkvæmdir í allt sumar og útlit er fyrir að við skólabyrjun verði allt tilbúið nema hugsanlega frágangur kringum svið í samkomusal skólans sem gæti tekið nokkra daga í viðbót. Hér hefur verið haldið vel á spöðunum síðustu mánuði og ástæða til að þakka þeim sem að hafa komið fyrir vel unnin störf. Það er því full ástæða til bjartsýni við upphaf fjórða starfsársins, aðstæður til skólastarfs í rauninni orðnar eins og best verður á kosið, valinn maður í hverju rúmi innan skólans og ólgandi metnaður til góðra verka.

Með von um farsæla skólabyrjun og að lífið verði sem endranær dásamlegt í Naustaskóla veturinn 2012-2013.

Ágúst Jakobsson, skólastjóri

Skólasetning

Skólasetning í Naustaskóla verður miðvikudaginn 22. ágúst. Nemendur mæti á eftirfarandi tímum:

kl. 10:00 2.-3. bekkur

kl. 10:30 4.-5. bekkur

kl. 11:00 6.-7. bekkur

kl. 11:30 8.-10. bekkur

Nemendur í 1. bekk og forráðamenn eru boðaðir í viðtöl á skólasetningardaginn eða daginn eftir, tölvupóstur með viðtalstímum hefur verið sendur út.

Á skólasetningunni hitta nemendur umsjónarkennara, fá stundaskrá og fræðast um starfið í vetur. Foreldrar eru velkomnir og **við mælumst sérstaklega til þess að foreldrar nýrra nemenda í skólanum fylgi sínum börnum.**

Íþróttakennsla

Ætlunin er að kenna íþróttir alfarið úti fyrstu vikurnar meðan veður leyfir. Því er að sjálfsgöðu afar mikilvægt að nemendur séu vel klæddir til útiveru.

Viðurkenningar skólanefndar

31. maí veitti skólanefnd Akureyrarbæjar viðurkenningar til þeirra nemenda, starfsmanna og/eða verkefna sem þótt hafa skarað fram úr í starfi. Þetta er í þriðja sinn sem skólanefnd stendur fyrir viðurkenningum af þessu tagi en þær eru í samræmi við áherslur í skólastefnu Akureyrarbæjar. Gaman er að segja frá því að tvær viðurkenninganna tengjast Naustaskóla. Baldur Ásgeirsson, nemandi í 3. bekk, fékk viðurkenningu "fyrir góðan námsárangur, að vera jákvæð fyrirmynd, fyrir listsköpun og tjáningu, samskiptahæfni, frumkvæði og framlag til að auðga skólaandann".

Þá hlaut Naustaskóli viðurkenningu fyrir verkefnið Jákvæður agi með svohljóðandi umsögn: "Agastefnan Jákvæður agi í Naustaskóla hefur farið af stað af krafti. Starfinu innan skólans hefur verið fylgt eftir með námskeiðum og kynningum fyrir foreldrahópinn. Skólinn hefur náð góðum árangri í agamálum og nemendur skólans koma vel út í könnunum þar sem spurt er um líðan í skólanum."

Við erum að sjálfsgöðu afar stolt af þessum viðurkenningum og þökkum kærlega fyrir okkur!



Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

Ágúst 2012

Sun	Mán	Þri	Mið	Fim	Fös	Lau
19	20 Undirbúningsdagur	21 Undirbúningsdagur	22 Skólasetning (Frístund opin) (Steiktur fiskur í raspi, kartöflur, salat og sólskinsdressing)	23 Kennsla hefst skv. stundaskrá Pizza og salat Skólafærninámskeið fyrir foreldra nýnema	24 Makkarónusúpa, brauð og álegg	25
26	27 Hakk, spaghetti og salat	28 Soðinn fiskur, kartöflur, grænmeti og lauksmjör	29 Steikt grísakjöt, kartöflur, gular baunir, salat og brún sósa 150 ára afmæli Akureyrar	30 Fiskur Björkeby, hrisgrjón og salat	31 Kartöflusúpa, brauð og álegg Útivistardagur	1. september

Skólafærninámskeið

Skólafærninámskeið er sérstaklega ætlað fyrir foreldra þeirra barna sem eru að hefja sitt grunnskólanám. Námskeið af þessu tagi eru haldin árlega fyrir foreldra nýnema en markmiðið með þeim er að fræða foreldra um skólann okkar og grunnskólakerfið almennt, hvað það þýðir að eiga barn í grunnskóla, hvað þurfi helst að hafa í huga, hvaða þjónusta og aðstoð er í boði o.s.frv. Námskeiðið verður haldið

fimmtudaginn 23. ágúst kl. 17:30-20:00

Dagskrá þess verður sem hér segir:

- Að byrja í grunnskóla - hvað þýðir það fyrir börnin okkar?
- Grunnskólakerfið á Íslandi - yfirlit og upplýsingar
- Naustaskóli / starfshættir / agastefna / kennsluaðferðir o.fl.
- Samskipti heimila og skóla / upplýsingamiðlun - mentorkerfið o.fl.
- Foreldrafélag / skólaráð / stoðþjónusta

Ætlast er til að fulltrúar allra nemenda í 1. bekk mæti á námskeiðið en aðrir eru að sjálfsögðu einnig velkomnir. **Boðið verður upp á barnagæslu meðan á námskeiði stendur og léttan málsverð fyrir þátttakendur og börn.**

Gleðilegt nýtt skólaár!!

Næsta fréttabréf kemur út 1. september

Mötuneyti / ávextir / mjólk

Til að byrja með gerum við ráð fyrir að allir nemendur verði í fæði í mötuneyti skólans og að allir nemendur verði í ávaxtaáskrift. Hver hádegismáltíð í annaráskrift kostar 350 krónur og annaráskrift að ávöxtum kostar 5700 krónur. Þeir sem óska **EKKI** eftir að kaupa annaráskrift að hádegismat og ávöxtum þurfa að senda póst um það á netfangið naustaskoli@akureyri.is eða hringja í ritara skólans í síma 4604100. Þeir sem vilja frekar senda börn sín með nesti í skólann en að kaupa ávaxtaáskrift geta óskað eftir mjólkuráskrift (2400 kr. á önn) og skal það einnig gert með símtali eða tölvupósti til ritara. Nánari upplýsingar um mötuneyti, ávexti og mjólk má nálgast á heimasíðu skólans á slóðinni: <http://www.naustaskoli.is/page/motuneyti>

Námshagnagjaldið

Við minnum þá sem enn eiga eftir að greiða námshagnagjaldið að gera það hið fyrsta eða í síðasta lagi á skólasetningardaginn. Gjaldið er 3800 kr. fyrir alla nemendur og greiðist inn á reikning 0159-15-200070, kt. 070372-5099.